

Headlines

1. प्रधानमंत्री नरेन्द्र मोदी होर कल्लै थमां साइप्रस, कनाडा ते क्रोएशिया दी 5एं दिनें दी यात्रा पर जांगन।
2. उपराज्यपाल मनोज सिन्हा होरें आखेआ ते “विकसित कृषि संकल्प अभियान” जम्मू कश्मीर च राई-बाई दे खेत्तर गी आधुनिक, खुशहाल ते बेहतर बनाने च महत्वपूर्ण भूमिका नभा करदा ऐ।
3. उपराज्यपाल मनोज सिन्हा होरे पहलगाम आतंकी हमले च मारे गेदे शहीद सैयद आदिल हुसैन दी घरै आली गी हमदर्दी दी बिनाह पर नियुक्ति पत्र सौंपेआ।
4. भारतीय अंतरिक्ष यात्री शुभांशु शुक्ला ते 3 होरं गी लेइयै जाने आला एक्सओम-4 मिशन हुन औंदी 19 जून गी लांच होग।
5. जम्मू कश्मीर च गर्मी दा प्रकोप बरोबर जारी ऐ। मौसम विभा नै औंदे 6एं दिनें लेई ओरेंज ते यैलो अलर्ट दी चेतावनी जारी कीती ऐ।

<><><><><><>

PM-Visit

प्रधानमंत्री नरेन्द्र मोदी होर साइप्रस, कनाडा ते क्रोएशिया दे 5एं दिनें दे दौरे लेई कल रवाना होंगन। साइप्रस दे राष्ट्रपति निकोस क्रिस्टोडौलिडेस हुंदे साददे पर प्रधानमंत्री होर कल साइप्रस दी सरकारी यात्रा पर जांगन। कुसै भारतीय प्रधानमंत्री दी दऊं दहाकें च साइप्रस दा एह पैहला दौरा होग। यात्रा दे दुए गेड़ च श्री मोदी होर जी-7 शिखर सम्मेलन च शामिल होने आस्तै 16 जून गी कनाडा जांगन। एह दौरा कनाड दे प्रधानमंत्री मार्क कार्नी हुंदे साददे पर होआ करदा ऐ। यात्रा दे खीरले गेड़ च प्रधानमंत्री होर 18 जून गी क्रोएशिया दी सरकारी यात्रा पर जांगन। एह कुसै भारतीय प्रधानमंत्री दी क्रोएशिया दी पैहली यात्रा होग, जेह्डी दपक्खी सरबंधें च महत्वै आला मील दा पत्थर साबत होग।

<><><><><><>

LG-Viksit Krishi

उपराज्यपाल मनोज सिन्हा होरें आखेआ जे “विकसित कृषि संकल्प अभियान” पैहलकदमी जम्मू कश्मीर च राई-बाई दे खेत्तर गी आधुनिक, खुशहाल ते बेहतर बनाने च इक महत्वपूर्ण भूमिका नभा करदी ऐ। उपराज्यपाल होरें एह गल्ल अज्ज कुलगाम दे खुडवानी च विकसित कृषि संकल्प अभियान दे समापन समारोह च अपने संबोधन दरान आक्खी। इक सोशल मीडिया पोस्ट च उपराज्यपाल होरें गलाया जे प्रशासन दा मुख मकसद ऐ जे 2047 तगर विकसित भारत आली यात्रा च जम्मू कश्मीर दे हर इक करसान दी भागीदारी जकीनी करनी ऐ तां जे इस यात्रा च जम्मू कश्मीर दा हर करसान मानै आला हिस्सेदार बनी सकै। उनें अगगे आखेआ जे प्रशासन करसानें दी औंदन बधाने दे अलावा ग्रामीण इलाकें च रोजगार दे मौके उपलब्ध करोआने दे कन्नो कन्नी राई-बाई आले खेत्तर च नमीं क्रांति आन्नने लेई बी प्रतिबद्ध ऐ। तां जे करसानें गी माली तौरा पर सशक्त बनाया जाई सकै।

<><><><><><>

Viksit Krishi Samba

स्कास्ट जम्मू विकसित कृषि संकल्प अभियान 2025 तैहत्त करसानें गी राई-बाई दे क्षेत्र च नमिएं तकनीकें ते जानकारी कन्नै लैस करियै उनेंगी बाइखियार बना करदा ऐ। यूनिवर्सिटी सतत कृषि विकास लेई सरकारी स्कीमें दी असरदार अमलावरी गी जकीनी बना करदी ऐ। करसानें दी भलाई बेहतरी लेई कम्म करदे होई कृषि विज्ञान केन्द्र सांबा नै मुत्तलका मैहकमे कन्नै रलियै करसानें लेई देसे दे सब्बने शा बड़डे विकसित कृषि संकल्प अभियान च अपनी पुज्ज बनाई। अभियान दे नोडल अफसर सने स्कास्ट जम्मू दे मुख साईसदान प्रो. संजय खजूरिया जेह्डे जिला सतह पर कार्यक्रम दी दिक्ख रिक्ख करा करदे न, दोहराया जे अभियानद । मकसद करसानें कन्नै गल्लबात करदे होई उंदिए दिक्कतें परेशानिएं दी पंछान करियै जमीनी सतह पर सुधार आन्नना ऐ।

<><><><><><>

LG-Syed Ali(byte)

उपराज्यपाल मनोज सिन्हा होरें अनंतनाग दे बसनीक शहीद सैयद आदिल हुसैन दे घरे दा दौरा लाया। ध्यानजोग ऐ जे सैयद आदिल हुसैन नै 22 अप्रैल गी पहलगाम च आतंकवादिऐं दिऐं गोलिऐं थमां सैलानिऐं दी हिफाजत करदे होई अपनी जिंदु दा बलिदान देई दित्ता हा। उपराज्यपाल होरें शहीद दे परोआर आलें कन्ने मलाटी लाइयै उंदी घरै आली गुलनाज अख्तर गी हमदर्दी दी बिनाह पर नियुक्ति पत्र सौंपेआ। श्री सिन्हा होरें गलाया जे 22 अप्रैल गी पहलगाम च सैलानिऐं दी रक्षा करदे होई अपनी जिंदु दा बलिदान देने आले आदिल दी दलेरी पर पूरे देसै गी मान ऐ। उनें आखेआ जे शहीद आदिल दी घरे आली गी सरकारी नौकरी देना साढ़ी गैहरी कृतज्ञता दी नशानी ऐ। श्री सिन्हा होरें आखेआ

<><><><><><>

Jadhav Yoga

आयूष मंत्री प्रताप राव जाधव होरें आखेआ जे योग सरबंधी दुनिया दी भलाई बेहतरी बक्खी भारत दी मंशा गी दस्सेआ ऐ। अज्ज नमीं दिल्ली च वैश्विक शिखर सम्मेलन योग कनेक्ट गी संबोधत करदे होई श्री जाधव होरें आखेआ जे मजूदा सम च मानवता पूरी दुनिया च नेके चुनौतिऐं दा सामना करा करदी ऐ, नेह् हालात च योग भारत पास्सेआ विश्व शांति लेई पूरे संसार गी इक तोहा ते विरासत ऐ। मंत्री होरें गलाया धर्म, लिंग ते भाषा दिऐं सरहदे थमां परे ऐ ते योग बच्चे थमां लेइयै बुर्जुग ते अमीर-गरीब सब्बने लेई सुलभ ऐ। श्री लाधव होरें इक सरकारी सर्वे दा हवाला दिंदे होई आखेआ जे पिछले इक दहाके च 33 प्रतिशत लोकें अंतर्राष्ट्रीय योग दिवस च हिस्सा लैता ऐ।

<><><><><><>

Axiom-4

भारतीय अंतरिक्ष अनुसंधान संगठन इसरो नै जंदे रोज एलान कीता जे भारतीय अंतरिक्ष यानि शुभांशु शुक्ला ते 3 होर दुऐं गी लेइयै अंतर्राष्ट्रीय अंतरिक्ष स्टेशन लेई मते चिरे थमां बलगेआ जा करदा एक्सओम-4 कमर्शियल मिशन हुन औंदी 19 जून गी लांच होग। विज्ञान प्रौद्योगिकी ते अंतरिक्ष राज्य मंत्रो डॉ. जितेन्द्र सिंह होरें सोशल मीडिया पोस्ट राऐं नमीं तरीक दी जानकारी दित्ती। डॉ. सिंह होरें दस्सेआ जे एक्सओम अंतरिक्ष मिशन गी कैनेडी स्पेस सेंटर थमां लांच कीता जाना हा पर किश तकनीकी खराबिएं करियै इसी अगड़ा पाना पेआ ऐ।

<><><><><><>

World Donar Day(byte)

विश्व रक्तदाता दिवस दे मौके पर भारतीय रैड क्रॉस सोसायटी आईआरसीएस कठुआ नै मकामी सरकारी मैडिकल कालेज दे ब्लड ट्रांसफ्यूजन विभाग दे सैहयोग कन्ने रक्तदान शिविर दा सरिस्ता कीता, जेह्दा उद्घाटन कठुआ दे एडीसी विश्वजीत सिंह होरें कीता। इस कैप च लोकें बधी चढ़ियै हिस्सा लैता ते बक्ख-बक्ख उमर दे स्वयंसेविएं आस्सेआ 40 युनिट शा बद्ध रक्तदान कीता गेआ।

इस्सै चाल्ली सरकारी डिग्री कालेज किशतवाड़ दी एपसीसी इकाई नै मकामी जिला अस्पतान दे सैहयोग कन्ने रक्तदाता दिवस दे मौके पर कालेज परिसर च रक्तदान कैप दा कामयाबी कन्ने सरिस्ता कीता गेआ।

<><><><><><>

Entrepreur Mela(byte)

नोजवानें च उद्यमिता ते स्वरोजगार गी बढ़ावा देने दे मिशन युवा दे नजरियै मताबक अज्ज जिला रोजगार ते परामर्श केन्द्र डीईसीसी जम्मू आस्सेआ उद्यमिता मेले दा कामयाबी कन्ने सरिस्ता कीता गेआ। जम्मू दे डिप्टी कमीशनर सचिन कुमार वैश्य हुंदे दिशा निर्देश च आयोजित इस मेले च नोजवानें, नौकरी दी तांग रखने आले ते उभरा करदे उद्यमिएं दी हिस्सेदारी दिक्खी गई। रोजगार मैहकमे दियां उप-निदेशक सुनैना सैनी होरें मिशन युवा दे उद्देश्ये बारे जानकारी दित्ती। मीडिया कन्ने गल्ल करदे होई उनें आखेआ

<><><><><><>

Weather

हुन मौसम सरबन्धी जानकारी , मौसम विभाग नै औंदे 6एं दिनें लेई ओरेंज ते यैलो अजर्ट जारी कीते न। इस दरान 19 जून तगर तेज हवाएं कन्नै बक्ख-बक्ख थाहरें पर लूह चजने दी पेशगोई कीती गई ऐ। लोकें गी सलाह दिक्ती जंदी ऐ जे ओह लोड़चदी मिकदार च तरल पदार्थ, पानी पीन ते दपैहरी 12 बजे शा लेइयै संजा 4 बजे तगर जेकर बाहर निकलना जरूरी नेइं ऐ ते घरै थमां बाहर नेईं निकलन। तोआई जम्मू शैहरे च कल बद्धोबद्ध तापमान 43.6 डिग्री सैल्सियस दर्ज कीता गेआ। कटरा च बद्धोब0 तापमान 39.5 डिग्री सैल्सियस रेआ जिसलै के बनीाल, बओत ते भद्रवाह च सिलसिलेवार 31.8, 31.6 ते 30.8 डिग्री सैल्सियस दर्ज कीता गेआ।

<><><><><><>

Prog. Ann(Yoga Day)

आकाशवाणी जम्मू दा क्षेत्रीय समाचार, एकांश अंतराष्ट्रीय योग दिवस पर 20 मिनटे दा इक खास कार्यक्रम पेश करा करदा ऐ। जेह्दा प्रसारण 18 जून गी बडलै 7 बज्जियै 10 मिनट पर कीता जाग। कार्यक्रम च साढ़ियां परौहनियां होंगन मन्नी परमन्नी दियां योग आचार्य डॉ. सुजाता संथु। सुजाता होर साढ़े जीवन च योग दे महत्व बारे अपने बचार सांझे करगंन। चर्चा दी मेजबानी साढ़े न्यूज एंकर श्रुति खजूरिया ते कुणाल श्रीवत्स करगंन। इससै चाल्ली दे होर दुए जानकारी आले कार्यक्रमें लेई मुस मीडियम वेव 990 किलोहर्टज ते एफएम 100.3 मेगाहर्टस पर आकाशवाणी समाचार जम्मू सुनी सकदे ओ।

<><><><><><>

PTC Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेह्दी उमर 24 थमां 50 ब'रें दे बश्कार ऐ ते ओह कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबन्धत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी जम्मू कश पंजीतीर्थी 15 जून 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>